

**საგანგებო მდგომარეობის მოქმედების პერიოდში
უსასყიდლოდ გაწეული მომსახურების შესახებ 2537**

ფაქტობრივი გარემოებები

პირს ბაზრობის ტერიტორიაზე, სავაჭრო ცენტრებსა და სხვა ობიექტებში იჯარით აქვს გაცემული კომერციული ფართები/სავაჭრო ადგილები სამეწარმეო საქმიანობის განმახორციელებელ პირებზე

საქართველოს ტერიტორიაზე საგანგებო მდგომარეობის გამოცხადებასთან დაკავშირებით, საქართველოს მთავრობის დადგენილებით, როგორც მეიჯარეს, ასევე მოიჯარეებს შეუჩერდათ საქმიანობა, რის გამოც დაიხურა ობიექტები

საგანგებო მდგომარეობის არსებობის პერიოდში საიჯარო ხელშეკრულება არ გაუქმებულა, ამასთან, მოიჯარეს იჯარის თანხები ამ პერიოდზე არ გადაუხდია

საგანგებო მდგომარეობის არსებობის პერიოდში, საიჯარო მომსახურება პირმა არ ჩათვალა მომსახურების გაწევად (მათ შორის უსასყიდლოდ) და შესაბამისად გადასახდებით დაბეგვრის ობიექტად

შეფასება

საქართველოს საგადასახადო კოდექსის:

- მე-9(3) მუხლის მიხედვით, უსასყიდლოდ საქონლის მიწოდება/მომსახურების გაწევა ეკონომიკურ საქმიანობად ითვლება, თუ იგი განახორციელა საწარმომ, მეწარმე ფიზიკურმა პირმა „მეწარმეთა შესახებ“ საქართველოს კანონის პირველი მუხლის მე-2 და მე-3 პუნქტებით განსაზღვრული საქმიანობის ფარგლებში.

- მე-16(2) მუხლის შესაბამისად, მომსახურების გაწევად ითვლება პირის მიერ სხვა პირისათვის მისივე ნებით, კომპენსაციის მიზნით ან უსასყიდლოდ ისეთი მოქმედების შესრულება, რომელიც არ არის საქონლის მიწოდება.

საქართველოს მთავრობის 23.03.2020 წლის N181 დადგენილების:

- მე-5 მუხლის თანახმად, იკრძალება საჯარო სივრცეში ფიზიკურ პირთა თავშეყრა 3 პირზე მეტი რაოდენობით. ამ მუხლის მიზნებისათვის, საჯარო სივრცე არის როგორც ჭერქვეშ, ისე გარეთ არსებული ნებისმიერი ადგილი, თუ იგი არ წარმოადგენს კერძო პირთა საცხოვრებელ მიზნებისთვის გამოსაყენებელ ადგილს.

- მე-7 მუხლის შესაბამისად, საგანგებო მდგომარეობის მოქმედების ვადით ჩერდება ნებისმიერი ეკონომიკური საქმიანობა, გარდა ამავე მუხლით გათვალისწინებული შემთხვევებისა

იმის გათვალისწინებით, რომ ცალკეული სამეწარმეო საქმიანობა შეჩერებულ იქნა საქართველოს კანონმდებლობით (მთავრობის დადგენილებით) მხარეთა ნებისაგან დამოუკიდებლად, საგანგებო მდგომარეობის არსებობის პერიოდში მეიჯარის მიერ გაწეული მომსახურება არ განიხილება:

- უსასყიდლო მომსახურებად და შესაბამისად გადასახადებით დაბეგვრის ობიექტად;
- მოიჯარის სარგებლად

დონისძიებები

პირის ქმედებაში საგადასახადო სამართალდარღვევა არ იკვეთება და დამატებით საგადასახადო ვალდებულებების დაცვისება არ ხდება

შენიშვნა:

- თუ საგანგებო მდგომარეობა მოიცავს არასრულ საანგარიშო პერიოდ(ებ)ს (თვე(ებ)ს), აღნიშნული მიდგომა ვრცელდება სრულ საანგარიშო პერიოდ(ებ)ზე (თვე(ებ)ზე).
- სიტუაციული სახელმძღვანელო ასევე ვრცელდება იმ შემთხვევაზე, როდესაც ეკონომიკური საქმიანობა მთავრობის დადგენილებით საგანგებო მდგომარეობის პერიოდში შეუჩერდა ერთ-ერთ მხარეს.